

石禦侮將軍季曰律己府使女適縣監河如德晉州人牧使生二男二女長男若衷監役次男琨珍山縣監女適姜世胤金戎溫司勇男自兌歷典陽智禮安橫城連山四縣俱有治績當燕山時遂謝官歸隱于藍浦御侮男永伯府使男若水縣監監役無男有二女長適同樞金謂堅次適黃亨昌珍山男允忱連山男永錫成宗丙午連中大小科歷司憲府執義當莅任沃川有治聲以興學保民爲範於諸郡民到今頌而慕焉永伯男善海若水男粹純允忱男萬齡御侮將軍此家今居永川及月城等地沃川三男長熙秉節校尉次澣通德郎次亨啓功卽善海男國浩此家居光陽及順天等地粹純男椀此家居江原以北不入譜至再次爲以下不錄

嗚乎今距公之世四百有餘載矣家傳譜牒之外無他文獻可徵將何不攷所而得影響之萬一哉改之譜牒但云通政大夫行承政院左承旨贈資憲大夫吏曹判書而已矣字啣及生卒年月並皆闕爲嗚呼將何所攷而得影響之萬一哉雖然攷其時溯其迹則可想像其萬一矣蓋公以襄景公之第四子奉親命受學于卞春亭季良之門既見許以達到之器又以門蔭筮仕生而進堂上之階歿而蒙正二品之贈職則其行治及經歷之概之超倫而不几可想像之矣又竊念伯氏若菊潭公諱有溫端宗壬申以僉樞院事投紱而歸嶺南之世爲嶺人則公亦必見幾於此時決其去就之計之既明而且哲亦又可想像之矣又竊念親戚如節齋公諱宗瑞以顧命大臣被禍於翌年之癸酉赤族之慘有不忍言則文獻之無所遺不尤其時勢爲然乎嗚呼爲裔者之痛恨當何如也公之玄宅本在嶺南龍宮之葛川而與貞夫人合窆傳奉香火已十餘世矣近因時移世變土地之制改革奉祀之田見先於人諸裔又散在遠距實有難於守護故不得已緬奉于保寧治能川面杜龍里之向午原而合封爲嗚呼此亦時勢使然也敬爲之銘曰

月潭是父春亭是師早自志學立揚是期及入喉院左右俱宜可礪可楫乃著乃龜胡遽投紱賦歸去辭癸酉之厄有若焦眉矧又大臣在至親斯所以